

# “ТЎРТКЎЛ ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ ЙИЛЛИК УМУМИЙ ЙИҒИЛИШИ 1-СОН БАЁННОМАСИ

Қорақалпоғистон Республикаси

Тўрткўл тумани,

Беруний кўчаси, 1-уй

2024 йил 26 июнь

Умумий йиғилишнинг ўтиш жойи: Қорақалпоғистон Республикаси, Тўрткўл тумани, Беруний кўчаси, 1-уйда жойлашган “Тўрткўл пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **14:00**

Акциядорларни рўйхатдан ўтказиш тугаган вақт: **14:55**

Акциядорлар умумий йиғилиш бошланган вақт: **15:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 409 263.

“Тўрткўл пахта тозалаш” АЖ акциядорларининг йиллик умумий йиғилиши (келгусида матн давомида - Йиғилиш) жамият бош директорининг 2024 йил 4 июндаги 58-сон таклиф хати инобатга олиниб, кузатув кенгаши томонидан 2024 йил 5 июнда қабул қилинган қарорга мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана – 2024 йил 20 июнь.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1. Кунназаров Ерназар Уринбаевич – Жамият кузатув кенгаши раиси, “Қорақалпоқпахтасаноат ҳудудий бирлашмаси” АЖ тугатиш комиссияси раиси;
2. Серикбаев Жасурбек Абдихаликович – жамият Бош директори.
3. Авезов Мансур Матякубович - жамият акциядори.

Йиғилиш раёсати аъзоси Ж.Серикбаев малака ва тажрибага эга бўлган “Қорақалпоқпахтасаноат ҳудудий бирлашмаси” АЖ тугатиш комиссия раиси Е.Кунназаровни йиғилиш раиси ва жамиятнинг акциядорлар билан корпоратив муносабатлар бўлими мутахассиси Д.Ибадуллаевни йиғилиш котиби этиб сайлаш таклифини киритди.

Акциядорлар томонидан очик овоз бериш йўли билан бир овоздан йиғилиш раиси Е.Кунназаров ва йиғилиш котиби этиб Д.Ибадуллаев сайланди.

Йиғилишни йиғилиш раиси Е.Кунназаров очди ва акциядорлар ҳамда йиғилиш қатнашчиларини кутлаб, йиғилиш кворуми бўйича ахборот бериш учун сўзни санок комиссияси аъзоси З.Миримовга берди.

Санок комиссияси ахбороти:

“Қимматли қоғозлар Марказий Депозитарийси” томонидан 2024 йил 20 июнь ҳолатига шакллантирилган жамият акциядорлар реестрига мувофиқ, йиғилишда овоз бериш учун 659 та акциядорга тегишли 409 263 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 242 232 дона овоз берувчи акцияларга эга бўлган 8 та акциядор (унинг вакили) рўйхатдан ўтди. Бу эса умумий овоз берувчи акцияларнинг 59,19 % ни ташкил этади ва йиғилиш ваколатли (кворумга эга) ҳисобланади.

Йиғилиш раиси Е.Кунназаров йиғилиш кун тартибини эълон қилди.



## КУН ТАРТИБИ:

1. Умумий йиғилиш регламенти ва санок комиссияси таркибини тасдиқлаш.

2. Жамиятнинг 2023 йил якуни ва бизнес-режаси кўрсаткичларини бажарилиши бўйича жамият ижроия органи раҳбарининг ҳисоботини тасдиқлаш.

3. Жамиятнинг 2023 йил якуни бўйича йиллик бухгалтерия баланси ва молиявий натижаларини тасдиқлаш.

4. Жамият ташқи аудиторининг 2023 йил молия-хўжалик якуни бўйича хулосасини тасдиқлаш.

5. Жамият Кузатув кенгашининг 2023 йил ҳисоботини тасдиқлаш.

6. Жамиятнинг эски йилларда тақсимланмаган ва 2023 йил якуни бўйича олинган соф фойдасини тақсимлаш.

7. Жамият ижроия органи раҳбари билан тузилган меҳнат шартномасининг муддатини узайтиришни кўриб чиқиш.

8. 2024 йил молия-хўжалик фаолияти якуни бўйича аудиторлик текширувини ўтказиш учун аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш.

9. Жамиятнинг 2024 йилга мўлжалланган бизнес-режасини тасдиқлаш.

10. Жамият кузатув кенгаши аъзоларига ўзгартириш киритиш.

11. МАР проекти бўйича олинган техника ва ускуналарни баҳоланган қийматда аукцион орқали бўлиб тўлаш шарти билан сотиш.

12. 2023 йил 2-ноябрдаги жамият акциядорларининг навбатдан ташқари умумий йиғилиши қарорига билан Давлат мулки объектларидан самарали фойдаланиш марказининг Қорақалпоғистон Республикаси ҳудудий бошқармасига топшириш-қабул қилиш далолатномаларига асосан топширилган 4 дона “МАН ТГС” русумли махсус техникаларини жамият балансидан чиқариш масаласи.

13. 2024 йил 23-апрелдаги “Ўзпахтасаноат” АЖни тугатиш лойиҳа офиси видеоселектор йиғилишининг 3-сонли Баёни ижросини кўриб чиқиш.

Кун тартиби эълон қилинганидан сўнг, муҳокамага ўтилди.

**Кун тартибидаги биринчи масала бўйича** йиғилиш раиси Е.Кунназаров сўзга чиқиб, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2024 йил 4 июндаги йиғилиш қарорига кўра санок комиссияси таркибига Р.Балтаев- жамиятнинг механиги, С.Розимов - жамият юристи, З.Миримов – жамият бош ҳисобчиси номзодлари киритилган.

Шунингдек кун тартибидаги масалалар бўйича маърузалар учун 7 дақиқагача савол-жавоблар учун 7 дақиқагача, санок комиссияси ишига 7 дақиқагача вақт ажратган ҳолда умумий йиғилиш регламентини тасдиқлаш таклиф этилди.



Жамият акциядорлари умумий йиғилишининг санок комиссияси таклиф этилаётган таркибини ва йиғилиш регламентини тасдиқлаш масаласи бўйича ўз муносабатларини бюллетен орқали овоз беришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг йиллик умумий йиғилиши қарор қилади:

**1. Уч кишидан иборат куйидаги таркибда санок комиссияси тасдиқлансин:**

**1) Р.Балтаев;**

**2) С.Розимов;**

**3) З.Миримов.**

**2. Йиғилиш кун тартибидаги масалалар бўйича маърузалар учун 7 дақиқагача, савол-жавоблар учун 7 дақиқагача, санок комиссияси ишига 7 дақиқагача вақт ажратган ҳолда умумий йиғилиш регламентини тасдиқлансин.**

**Кун тартибидаги иккинчи масала бўйича** жамият Бош директори Ж.Серикбаев сўзга чиқиб, ижроия органи раҳбарининг 2023 йилдаги фаолияти бўйича кўрилаётган чора-тадбирлар тўғрисида ҳисобот берди (*ҳисобот илова қилинади*).

Бундан ташқари акциядорлар эътиборига жамиятнинг 2023 йил якуни бўйича бухгалтерия баланси ҳамда молиявий натижалари билан йиғилиш қатнашчиларини таништирди (*жамият йиллик ҳисобот илова қилинади*).

Йиғилиш раиси Е.Кунназаров акциядорлардан жамият ижроия органи раҳбарининг 2023 йилдаги фаолияти ҳамда бизнес-режа кўрсаткичларини бажарилиши бўйича жамият Бош директорининг ҳисоботини ва 2023 йиллик ҳисоботини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Йиғилиш қатнашчилари томонидан жамият бош директорининг 2023 йилдаги фаолияти бўйича ҳисоботи муҳокама қилиниб йўл қўйилган камчиликлар юзасидан бош директори Ж.Серикбаевга тегишли топшириқлар берилди.

Йиғилиш раиси Е.Кунназаров акциядорлардан жамият ижроия органи раҳбари Ж.Серикбаевнинг 2023 йилдаги фаолияти ва жамиятнинг 2023 йиллик ҳисоботини маъқуллаш бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг йиллик умумий йиғилиши қарор қилади:

**1. Жамият ижроия органи раҳбарининг 2023 йилдаги фаолияти қониқарли деб топилсин ва ҳисоботи маълумот учун қабул қилинсин.**



**2. Жамиятнинг 2023 йил ҳисоботи қониқарли деб топилсин маълумот учун қабул қилинсин.**

**Кун тартибидаги учинчи масала бўйича** жамиятнинг молиявий масалалар бўйича директори-бош ҳисобчиси З.Миримов 2023 йил якуни бўйича йиллик бухгалтерия баланси ва молиявий натижалари бўйича ҳисоботи билан йиғилиш қатнашчиларини таништирди (*жамият йиллик баланси ва молиявий натижалари илова қилинади*).

Йиғилиш раиси Е.Кунназаров акциядорлардан 2023 йил якуни бўйича йиллик бухгалтерия баланси ва молиявий натижалари бўйича ҳисоботини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Муҳокамадан кейин, кун тартибидаги бешинчи масала овозга қўйилди.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги учинчи масала бўйича жамият иштирокчиларининг умумий йиғилиши **қарор қилади:**

**1. Жамиятнинг 2023 йил якуни бўйича йиллик бухгалтерия баланси ва молиявий натижалари тасдиқлансин.**

**Кун тартибидаги тўртинчи масала бўйича** жамиятнинг молиявий масалалар бўйича директори-бош ҳисобчиси З.Миримов “NAZORAT AUDIT” МЧЖ аудиторлик ташкилоти томонидан жамиятнинг 2023 йил молия-хўжалик фаолияти якуни бўйича 2024 йил 11-майдаги аудиторлик текшируви хулосаси билан йиғилиш иштирокчиларини таништирди.

“NAZORAT AUDIT” МЧЖ аудиторлик ташкилотларининг хулосаларида жамиятнинг 2023 йил 31 декабр ҳолатидаги молиявий ҳисоботи барча муҳимлилик жиҳатлари бўйича унинг молиявий ҳолатини ва молиявий-хўжалик фаолияти натижаларини ҳаққоний акс эттиради.

Йиғилиш раиси Е.Кунназаров акциядорлардан 2023 йил молия-хўжалик фаолияти якуни бўйича “NAZORAT AUDIT” МЧЖ аудиторлик ташкилотининг 2024 йил 11-майдаги аудиторлик текшируви хулосаларини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги тўртинчи масала бўйича акциядорларнинг йиллик умумий йиғилиши **қарор қилади:**

**1. “NAZORAT AUDIT” МЧЖ “NAZORAT AUDIT” МЧЖ аудиторлик ташкилотининг 2024 йил 11-майдаги аудиторлик текшируви хулосалари тасдиқлансин.**

**Кун тартибидаги бешинчи масала бўйича** йиғилиш раиси Е.Кунназаров йиғилиш қатнашчиларига кузатув кенгашининг 2023 йилдаги фаолияти бўйича ҳисоботини ўқиб эшиттирди (*ҳисобот илова қилинади*).



Ҳисоботда асосан кузатув кенгаши томонидан ўтказилган йиғилишлар ва йиғилишларда қабул қилинган қарорлар ўз аксини топган.

Йиғилиш раиси Е.Кунназаров акциядорлардан жамият кузатув кенгашининг 2023 йилдаги фаолияти бўйича ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги бешинчи масала бўйича акциядорларнинг йиллик умумий йиғилиши қарор қилади:

**1. Жамият кузатув кенгашининг 2023 йилдаги фаолияти бўйича ҳисоботи маълумот учун қабул қилинсин.**

**Кун тартибидаги олтинчи масала бўйича** йиғилиш раиси Е.Кунназаров сўзни жамиятнинг ижроия органи раиси - бош директор Ж.Серикбаевга берди.

Ж.Серикбаев йиғилиш иштирокчиларини кун тартибидаги масала бўйича ижроия органининг ва жамият кузатув кенгашининг таклифи билан таништирди.

Бугунги кунда жамиятнинг устав фонди 1 874 880 000 сўмни ташкил этади.

Жамият Уставига асосан жамиятнинг захира фонди жамият устав капиталининг 15 фоизи – 281 232 000 сўм миқдоридан тузилади ва 2024 йил 1-январь ҳолатига захира фонди тўлиқ шаклланган.

Жамиятнинг эски йиллардан тақсимланмасдан жамғарилган фойда таркибида қолдирилган маблағ - 1 325 361 895 сўм ҳамда жамиятнинг 2023 йил якуни бўйича олинган 48 409 440 сўм соф фойдаси, жами 1 373 771 335 сўм маблағни қуйидаги тартибда тақсимлаш тавсия этилади. Шундан:

- соф фойданинг – 579 000 000 сўмни 2023 йил якуни бўйича акциядорларга дивидент тўлаш учун йўналтиришга;

- соф фойданинг – 108 000 000 сўм жамиятнинг ижро ва бошқарув органи аъзоларини рағбатлантиришга;

- соф фойданинг – 686 771 335 сўм тақсимланмасдан жамғарилган фойда таркибида қолдириш ҳамда мазкур маблағ жамиятнинг 2024 йил якуни бўйича соф фойда тақсимотида инobatга олиш тавсия этилган.

Муҳокамадан сўнг йиғилиш раиси Е.Кунназаров акциядорлардан кун тартибидаги масала бўйича берилган таклифга ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги олтинчи масала бўйича акциядорларнинг йиллик умумий йиғилиши қарор қилади:

**1. Жамиятнинг эски йиллардан тақсимланмасдан жамғарилган фойда таркибида қолдирилган маблағ - 1 325 361 895 сўм ҳамда жамиятнинг 2023 йил якуни бўйича олинган 48 409 440 сўм соф фойдаси, жами 1 373 771 335 сўм маблағни қуйидаги тартибда тақсимлансин, шундан:**



- соф фойданинг – 579 000 000 сўмни 2023 йил якуни бўйича акциядорларга дивидент тўлаш учун йўналтирсин (1 дона акция учун 1 407,56 сўм дивидент солиғи билан);

- соф фойданинг – 108 000 000 сўм жамиятнинг ижро ва бошқарув органи аъзоларини рағбатлантиришга;

- соф фойданинг – 686 771 335 сўм тақсимланмасдан жамғарилган фойда таркибида қолдириш ҳамда мазкур маблағ жамиятнинг 2024 йил якуни бўйича соф фойда тақсимотида инобатга олинсин.

2. Дивидендлар мазкур йиғилиш қарори қабул қилинган кундан эътиборан олти кун ичида тўлансин.

- дивидендларни тўлашни бошлаш санаси: 26 июнь 2024 йил.

- дивидендларни тўлашни тугатиш санаси: 25 август 2024 йил.

3. Дивидендлар белгиланган тартибда ва юкорида кўрсатилган муддатларда акциядорларнинг банкдаги ҳисоб рақамларига пул маблағларини ўтказиш йўли орқали амалга оширилсин.

Кун тартибидаги еттинчи масала бўйича йиғилиш раиси Е.Кунназаров сўзга чиқиб, жамият умумий йиғилишининг 2023 йил 27-июндаги қарорига асосан жамият Бош директори этиб Серикбаев Жасурбек Абдихаликович билан тузилган меҳнат шартномасининг муддати жамият акциядорларининг 2024 йил якуни бўйича ўтказиладиган навбатдаги (йиллик) умумий йиғилишигача узайтирилганлигини айтиб ўтди. Серикбаев Жасурбек Абдихаликович жамиятда кўп йиллардан буён ишлаб келаётганлиги, бошқарув органлари томонидан қўйилган вазифаларни бажариб келаётганлигини инобатга олиб, Серикбаев Жасурбек Абдихаликович билан тузилган меҳнат шартномасини, акциядорларининг навбатдаги (йиллик) умумий йиғилишигача муддатини узайтириш таклифини киритди.

Муҳокамадан кейин, кун тартибидаги бешинчи масала овозга қўйилди.

**Ушбу масала юзасидан овоз бериш натижалари:**

**“Ўқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги саккизинчи масала бўйича жамият иштирокчиларининг умумий йиғилиши қарор қилади:

1. Жамият Бош директори Серикбаев Жасурбек Абдихаликович билан тузилган меҳнат шартномасининг муддати жамият акциядорларининг 2024 йил якуни бўйича ўтказиладиган навбатдаги (йиллик) умумий йиғилишигача узайтирилсин.

2. Жамият номидан Бош директор Серикбаев Жасурбек Абдихаликович билан меҳнат шартномасини (шартномани амал қилиш муддати 2024 йил якуни бўйича ўтказиладиган жамият акциядорларининг йиллик умумий йиғилишигача) имзолаш ваколоти Кузатов кенгаши раисига берилсин.

3. Жамият Бош директори Ж.Серикбаевга:

- ўз вазифаларини бажариш даврида барча бирламчи ва банк ҳужжатларига биринчи имзо қўйиш ҳамда жамият Уставида белгиланган ваколат ва мажбуриятлардан қонун доирасида фойдаланиш ҳуқуқи берилсин;



-“Ўзпахтасаноат” АЖ тугатиш Лойиха офиси хамда “Қорақалпоқпахтасаноат” ХБ АЖ томонидан бажарилиши белгиланган буйруқ ва топшириқларни ўз вақтида амалга ошириш вазифаси юклатилсин.

Кун тартибидаги саккизинчи масала бўйича жамиятнинг бош директори Ж.Серикбаев сўзга чиқиб, жамиятда 2024 йил якуни бўйича аудиторлик текширувини ўтказиш учун аудиторлик ташкилотларидан жамиятга келиб тушган қуйидаги тижорат таклифлари билан йиғилиш қатнашчиларини таништирди:

т/р	Аудиторлик ташкилотининг номи	Мурожаат санаси ва рақами	Миллий ва Халқаро аудит стандартларга мувофиқ аудиторлик текшируви, минг сўмда
1	“GREAT FOURS” МЧЖ	16.04.2024й №14/12	6 200,0
2	“NAZORAT-AUDIT” МЧЖ	05.06.2024й №50/24	5 000,0
3	“XB FINANSE KONSULTING” МЧЖ	08.06.2024й №40-24	15 000,0
4	“SAMIMIY AUDIT” МЧЖ	10.06.2024й	10 000,0

Муҳокама давомида жамият акциядорлари жамиятга келиб тушган тижорат таклифларни инобатга олган ҳолда, ташқи аудиторлик текширувини ўтказиш учун аудиторлик ташкилотлари орасидан малакали мутахассисларга ҳамда энг қулай нархларга эга бўлган аудиторлик ташкилотини танлаш зарурлигини билдирди.

Бундан сўнг, йиғилиш раиси Е.Кунназаров акциядорлардан, 2024 йил якуни бўйича аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш масаласи бўйича ўз муносабатларини бюллетен орқали овоз беришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги саккизинчи масала бўйича акциядорларнинг йиллик умумий йиғилиши **қарор қилади:**

**1. 2024 йил якуни бўйича аудиторлик текширувини ўтказиш учун “NAZORAT-AUDIT” МЧЖ аудиторлик ташкилоти танлансин ва унинг хизматларига тўланадиган ҳақнинг миқдори – 5 000,0 минг сўм деб белгилансин;**

**2. Жамият ижроия органи раҳбарига:**

**-юқорида кўрсатилган аудиторлик ташкилотлари билан белгиланган тартибда шартномаларни тузсин;**

**-қонунчиликда белгиланган муддатларда жамият акциядорларнинг умумий йиғилиши ва кузатув кенгашига аудиторлик текшируви натижалари бўйича ҳисобот ва хулосаларни киритсин.**

Кун тартибидаги тўққизинчи масала бўйича жамиятнинг ижроия органи раиси - бош директор Ж.Серикбаевга сўз берилди ва у йиғилиш иштирокчилари эътиборига жамиятнинг 2024 йил учун мўлжалланган бизнес-



режаси билан йиғилиш қатнашчиларини таништирди (бизнес-режа илова қилинади).

Йиғилиш раиси Е.Кунназаров акциядорлардан жамиятнинг 2024 йил учун мўлжалланган бизнес-режасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги тўққизинчи масала бўйича акциядорларнинг йиллик умумий йиғилиши қарор қилади:

**1. Жамиятнинг 2024 йил учун мўлжалланган бизнес-режасини тасдиқлаш масаласи бўйича қонқарли деб топилсин ва ҳисоботи маълумот учун қабул қилинсин.**

**Кун тартибидаги ўнинчи масала бўйича** йиғилиш раиси Е.Кунназаров сўз олди. “Акциядорлик жамияти ва акциядорларнинг ҳуқуқларини ҳимоя қилиш тўғрисидаги” Қонунининг 76-моддасига асосан жамият кузатув кенгаши аъзолари жамият акциядорларининг умумий йиғилиш қарорига асосан уч йил муддатга сайланганлигини маълум қилди. Жамият кузатув кенгаши аъзоси Бойкулов Эгамберди Мусурмонкулович бошқа ишга ўтганлиги муносабати билан кузатув кенгаши аъзолигига “Ўзпахтасаноат” АЖ тугатиш лойиҳа офиси бош мутахассиси Турсунов Фахриддин Иброҳимович номзодини белгиланган тартибда кузатув кенгаши аъзолигига киритиш учун таклиф берилган.

Муҳокамадан сўнг, йиғилиш раиси Е.Кунназаров акциядорлардан кузатув кенгашига ўзгартириш киритилаётган номзодни сайлаш учун ўз муносабатларини бюллетен орқали овоз беришларини сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўнинчи масала бўйича акциядорларнинг йиллик умумий йиғилиши қарор қилади:

**1. Жамият кузатув кенгаши аъзоларига ўзгартириш киритилсин.** Жамият кузатув кенгаши аъзоси Бойкулов Эгамберди Мусурмонкулович ўрнига “Ўзпахтасаноат” АЖ тугатиш лойиҳа офиси бош мутахассиси Турсунов Фахриддин Иброҳимович кузатув кенгаши аъзолигига сайлансин.

**Кун тартибидаги ўн биринчи масала бўйича** йиғилиш раиси Е.Кунназаров сўзни жамият ижроия органи раҳбари - бош директори Ж.Серикбаевга берди.

Ж.Серикбаев сўзга чиқиб, Ўзбекистон Республикаси Президентининг 2015 йил 24-мартдаги ПҚ-2324 сон қарорига мувофиқ Халқаро тикланиш ва тараққиёт банки ҳамда Халқаро тараққиёт уюшмаси маблағлари ҳисобидан “Жанубий Қорақалпоғистонда сув ресурсларини бошқаришни яхшилаш” лойиҳаси асосида харид қилинган техника(агрегатлар)и баҳоланган кийматда “Е-аукцион” савдо платформасига чиқарилганлиги, лекин узок муддатлардан буён сотилмаганлигини маълум қилди.



Ўзбекистон Республикаси Бош Вазирининг 2023 йил 24-июндаги Қорақалпоғистон Республикасида ўтказилган сайёр мажлис баёнига асосан Халқаро тикланиш ва тараққиёт банки ҳамда Халқаро тараққиёт уюшмаси маблағлари ҳисобидан “Жанубий Қорақалпоғистонда сув ресурсларини бошқаришни яхшилаш” лойиҳаси асосида харид қилинган техника(агрегатлар)и 5 йилгача муддатда бўлиб тўлаш шарти билан аукцион савдолари орқали сотиш масаласини жамият бошқарув органида кўриб чиқиш белгилаб кетилган.

Ўзбекистон Республикаси Президентининг 2019 йил 19 февралдаги ПФ-5666-сонли “Давлат мулки объектларидан самарали фойдаланиш бўйича кўшимча чора-тадбирлар тўғрисида”ги Фармонида хусусий мулк ва тадбиркорликни ривожлантириш учун кўшимча шарт-шароитлар яратиш мақсадида давлат кўчмас мулк объектлари ва давлат улушлари учун сотиб олиш тўловларини тўлашда, савдолар ўтказилган санадаги белгиланган базавий ҳисоблаш миқдори (БХМ) баравари миқдоридан ҳисобланадиган сотиб олиш тўловлари миқдоридан келиб чиққан ҳолда, сотиб олиш тўловларини тўлашнинг белгиланган муддатлари жорий этилган.

Муҳокамада, Ўзбекистон Республикаси Президентининг 2019 йил 19 февралдаги ПФ-5666-сонли Фармонига мувофиқ МАР проекти бўйича олинган техника ва ускуналари “E-auksion” электрон савдолари орқали сотилганда тўловларни маълум муддатларда бўлиб тўлаш шартини қўллаш таклиф этилди.

Муҳокамадан сўнг, йиғилиш раиси Е.Кунназаров акциядорлардан мазкур масала бўйича ўз муносабатларини бюллетенда овоз бериш орқали билдиришлари сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги ўн биринчи масала бўйича акциядорларнинг йиллик умумий йиғилиши қарор қилади:

**1. Ўзбекистон Республикаси Президентининг 2015 йил 24-мартдаги ПҚ-2324 сон қарорига мувофиқ Халқаро тикланиш ва тараққиёт банки ҳамда Халқаро тараққиёт уюшмаси маблағлари ҳисобидан “Жанубий Қорақалпоғистонда сув ресурсларини бошқаришни яхшилаш” лойиҳаси асосида харид қилинган техника(агрегатлар)и Жаҳон банкидан ҳамда Вазирлар Маҳкамасининг тегишли кўрсатмаси олингандан сўнг 5 йилгача муддатда бўлиб тўлаш шарти билан аукцион савдолари орқали сотишга рухсат берилсин.**

**Кун тартибидаги ўн иккинчи масала бўйича** йиғилиш раиси Е.Кунназаров сўзни жамият ижроия органи раҳбари - бош директори Ж.Серикбаевга берди.

Ж.Серикбаев сўзга чиқиб, жамият акциядорларининг 2023 йил 2-ноябрдаги навбатдан ташқари умумий йиғилиши қуйидагича қарори билан Жамиятга қарашли 4 дона “МАН ТГС” русумли махсус техникаларини “Ўзпахтасаноат” АЖ тизим корхоналарининг Давлат бюджети ва давлат мақсадли жамғармалари олдидаги қарздорлигини камайтириш ҳисобига Давлат мулки объектларидан самарали фойдаланиш марказининг Қорақалпоғистон Республикаси ҳудудий бошқармасига ўтказиб берилган. Давлат мулки объектларидан самарали



фойдаланиш марказининг Қорақалпоғистон Республикаси ҳудудий бошқармаси томонидан махсус техникалар қабул қилиб олингандан кейин белгиланган тартибда баҳолатилиши, баҳоланган қийматига мос равишда “Ўзпахтасаноат” АЖ тизимидаги корхоналарнинг Давлат бюджети ва давлат мақсадли жамғармалари олдидаги қарздорлигини талаб қилиш ҳуқуқини “Ўзпахтасаноат” АЖга расмийлаштирилиши ҳамда махсус техникаларнинг баҳоланган қиймати “Ўзпахтасаноат” АЖ томонидан “Тўрткўл пахта тозалаш” АЖга тўлаб берилиши инobatга олинган.

Жамият ижроия органи раҳбари Ж.Серикбаев бугунги кунда “МАН ТГС” русумли 4 дона махсус техникалари Давлат мулки объектларидан самарали фойдаланиш марказининг Қорақалпоғистон Республикаси ҳудудий бошқармаси томонидан баҳоланиб ва экспертизадан ўтказилган, топшириш-қабул қилиш далолатномалари расмийлаштирилганлигини айтиб ўтди. У ўз сўзи давомида эндиликда мазкур техникаларни балансдан чиқариш масаласини кўриб чиқиш лозимлигини айтиб ўтди.

Муҳокамада, 4 дона “МАН ТГС” русумли махсус техникаларини жамият балансдан чиқаришни таклиф этилди.

Муҳокамадан сўнг, йиғилиш раиси Е.Кунназаров акциядорлардан мазкур масала бўйича ўз муносабатларини бюллетенда овоз бериш орқали билдиришлари сўради.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги ўн иккинчи масала бўйича акциядорларнинг йиллик умумий йиғилиши қарор қилади:

1. 2023 йил 2-ноябрдаги жамият акциядорларининг навбатдан ташқари умумий йиғилиши қарорига билан Давлат мулки объектларидан самарали фойдаланиш марказининг Қорақалпоғистон Республикаси ҳудудий бошқармасига топшириш-қабул қилиш далолатномаларига асосан топширилган 4 дона “МАН ТГС” русумли махсус техникаларини жамият балансдан чиқарилсин.

2. Бунда, Давлат мулки объектларидан самарали фойдаланиш марказининг Қорақалпоғистон Республикаси ҳудудий бошқармаси томонидан махсус техникалар қабул қилиб олингандан кейин белгиланган тартибда баҳолатилиши, баҳоланган қийматига мос равишда “Ўзпахтасаноат” АЖ тизимидаги корхоналарнинг Давлат бюджети ва давлат мақсадли жамғармалари олдидаги қарздорлигини талаб қилиш ҳуқуқини “Ўзпахтасаноат” АЖга расмийлаштирилиши ҳамда махсус техникаларнинг баҳоланган қиймати “Ўзпахтасаноат” АЖ томонидан “Тўрткўл пахта тозалаш” АЖга тўлаб берилиши инobatга олинсин.

Кун тартибидаги ўн учинчи масала бўйича йиғилиш раиси Е.Кунназаров сўзга чиқиб, 2024 йил 23-апрелдаги “Ўзпахтасаноат” АЖни тугатиш лойиҳа офиси видеоселектор йиғилишининг 3-сонли Баёни билан таништирди. Мазкур баённинг 3-бандида жамиятнинг 2024 йил 23 апрел ҳолатига “Agro To’rtko’l tekstil cluster” МЧЖга бино иншоотларни сотишдан 2024 йил феврал, март ва апрел ойлари графигидан орқада қолган қарздорлиги



1,098 млрд. сўмни ташкил этиши кўрсатилган. Шундан 2024 йил 26 июнь ҳолатига 1,098 млрд. сўм қарздорлик мавжуд. Мазкур графигидан орқада қолган қарздорликни ундириш бўйича суд қарори чиқарилган ва МИБга ўтказилган.

Муҳокамада йиғилиш раиси Е.Кунназаров жамиятнинг кластер корхонасидан дебиторлик қарздорликнинг ошиб кетишига йўл қўймаслик бўйича тегишли чораларни кўриш бўйича чоралар кўришни айтиб ўтди.

Муҳокамадан сўнг йиғилиш раиси Е.Кунназаров акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

**Ушбу масала юзасидан овоз бериш натижалари:**

**“Ёқлаганлар” – 242 232 та овоз билан 100%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўн учинчи масала бўйича акциядорларнинг йиллик умумий йиғилиши қарор қилади:

**1. 2024 йил 23-апрелдаги “Ўзпахтасаноат” АЖни тугатиш лойиҳа офиси видеоселектор йиғилиши баёнида белгиланган вазифалар ижроси таъминлансин.**

**2. Жамият ижроия органи раҳбарига:**

**- жамиятнинг дебитор қарздорлигини ундириш бўйича амалдаги қонунчиликда белгиланган барча турдаги чоралар қўлланилсин.**

Акциядорларнинг йиллик умумий йиғилиши томонидан қабул қилинган қарорлар эълон қилинганидан сўнг, йиғилишда раиси қилувчи, Е.Кунназаров акциядорларга уларнинг иштироки учун миннатдорчилик билдириб, йиғилишни ёпиқ деб эълон қилди.

**Йиғилишда раиси:**

**Йиғилиш котиби:**



*Е.Кунназаров.*

*Д.Ибадуллаев.*

**Д.Ибадуллаев.**

Йиғилиш баённомаси 2024 йил июль куни икки нусхада тузилди.